

Broj: 101-296/19
Datum: 06.03.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom se Odluka o izboru najpovoljnijeg ponuđača br. 101-296/18 od 27.12.2018. godine za *nabavku rezervnih komponenti za personalnu tehnološku računarsku opremu za potrebe ugovornog organa Radiotelevizije Bosne i Hercegovine* PONIŠTAVA i kojom je za najpovoljnijeg ponuđača izabran ponuđač EMADO d.o.o. iz Sarajeva.

Obrazloženje

Na temelju Odluke generalnog direktora ugovornog organa Radiotelevizije Bosne i Hercegovine br. 101-1065/18 od 19.07.2018. godine Komisija za javne nabavke je pokrenula proceduru otvorenog postupka nabavke, koji za predmet nabavke ima *nabavku rezervnih komponenti za personalnu tehnološku računarsku opremu za potrebe ugovornog organa Radiotelevizije Bosne i Hercegovine*.

Na predmetni otvoreni postupak, objavljen 23.10.2018. godine pod brojem 113-1-1-99-3-113/18 na web portalu elektronskih javnih nabavki www.ejn.gov.ba, kao i u „Službenom glasniku BiH“ br. 75/2018 od 26.10.2018. godine, a u skladu sa članom 25. Zakona o javnim nabavkama Bosne i Hercegovine ponude su dostavila dva ponuđača, i to:

- EMADO d.o.o. Sarajevo	22.976,80 KM bez PDV-a	26.882,86 sa PDV-om
- MEDIA MARKET d.o.o. Sarajevo	14.853,06 KM bez PDV-a	17.378,08 sa PDV-om

Provjerom valjanosti Komisija je ustanovila da su ponuđači dostavili u potpunosti validne ponude, u skladu sa Zakonom o javnim nabavkama Bosne i Hercegovine i u kojoj su ispoštovani svi zahtjevi ugovornog organa iz tenderske dokumentacije, pa su obje primljene ponude bile kvalificirane za postupak e-aukcije.

Nakon provedene e-aukcije, u kojoj ponuđači nisu mijenjali svoje početne cijene, Komisija je, postupajući u skladu sa članom 66. Zakona o javnim nabavkama Bosne i Hercegovine i sa tačkom 9.4 tenderske dokumentacije, od ponuđača MEDIA MARKET zatražila obrazloženje svoje niske cijene. Ovaj ponuđač je obrazloženje svoje niske cijene dostavio u roku i Komisija je, analizirajući isto, odlučila prihvatiti ga kao validno i zadovoljavajuće. Zbog svega naprijed navedenog, Komisija je za najpovoljniju ponudu izabrala ponudu ponuđača MEDIA MARKET d.o.o. iz Sarajeva.

Ponudač **EMADO** je kod ugovornog organa izvršio uvid u primljene ponude i uložio je **Žalbu br. 0001-T/19 od 08.01.2019. godine** na Odluku o izboru najpovoljnijeg ponuđača. Ugovorni organ je Žalbu ocijenio kao neosnovanu i potrebnu dokumentaciju, zajedno sa izjašnjenjem na navode žalbe, u skladu sa članom 100. stav (5) Zakona o javnim nabavkama Bosne i Hercegovine prosljedio na Rješavanje Uredu za razmatranje žalbi Bosne i Hercegovine.

Svojim **Rješenjem br. JN2-01.07-1-79-9/19 od 21.02.2019. godine** URŽ je žalbu ponuđača **EMADO** usvojio i naložio ugovornom organu da poništi predmetnu Odluku kojom je za najpovoljnijeg ponuđača izabran ponuđač **MEDIA MARKET**, te vratio ugovornom organu predmet na ponovni postupak.

Uvažavajući stavove i postupajući po nalogu URŽ-a Komisija ugovornog organa je izvršila ponovnu evaluaciju primljenih ponuda i revidiranim izvještajem utvrdila da se ponuda ponuđača **MEDIA MARKET** treba odbaciti kao neuredna i nevalidna, te da se ugovor treba dodijeliti drugorangiranom ponuđaču, a to je ponuđač **EMADO d.o.o. iz Sarajeva**.

Ukupna ponuđena cijena ponuđača EMADO iznosi KM 22.989,40 bez PDV-a, a sa istim će se zaključiti okvirni sporazum na period od 1 (jedne) godine i na iznos budžeta ugovornog organa odobrenog za ovu namjenu, odnosno na iznos od KM 15.000,00 bez PDV-a, odnosno KM 17.550,00 sa uračunatim PDV-om, a prema cijenama iz ponude izabranog ponuđača.

Na temelju svega navedenog ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornim organima, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:

**Generalni direktor BHRT-a
Belmin Karamehmedović**

Dostaviti:

- EMADO d.o.o. Sarajevo
- MEDIA MARKET d.o.o. Sarajevo
- Arhiva